

mini in Euangelijis nominari, ut ibi: Ecce mater eius & fratres eius stabant foris, quærentes lo-
qui cum eo. Et alibi: Post hæc descendit Capharnaû, ipse & mater eius, & fratres eius. Et ibi:
Dixerunt ergo fratres eius ad eum: Transi hinc, & uade in Iudæam, ut & discipuli tui uideant
opera tua quæ facis. Nemo enim aliquid in occulto faciens, quærit ipse in palam esse. Si hæc
facis, manifesta te ipsum mundo. Ioanne desuper inferente: Neque enim fratres eius tunc cre-
debant in eum. Item Marcus & Matthæus: Et docebat eos in synagoga eorum in patria sua,
ita ut stuperent, & dicerent: Vnde huic omnis hæc sapientia & uirtutes? Nõne hic est fabri fi-
lius? nõne mater eius dicitur Maria, & fratres eius Iacobus & Ioseph, & Simon & Iudas, &
sorores eius omnes apud nos sunt? Lucas quoque in actibus apostolorum ita refert: Hi omnes
erant instantes unanimes in oratione cum mulieribus & Maria matre Iesu, & fratribus ipsius.
Necnon & Paulus apostolus in eadem historiae ueritate pari uoce concordat: Ascendi autem
secundum reuelationem, & neminem uidi nisi Petrum & Iacobum fratrem domini. Et rursum
in alio loco: Nunquid nõ habemus potestatem manducandi & bibendi? Nunquid non ha-
bemus potestatem uxores circumducendi sicut & cæteri apostoli & fratres domini, & Cephas?
Et ne forte aliquis Iudæorum testimoniũ non admitteret, qui etiã nomina fratrum illius ædi-
derunt, simili eos asserens in fratribus errore deceptos, quo in patre æstimando sunt lapsi, ar-
gute præcauit, & ait: Hæc eadem uocabula ab euangelistis in alio loco nominari, & eosdem
esse fratres domini filios Mariæ. Matthæus loquitur: Erant autem ibi & mulieres (haud du-
bium quin ante crucem domini) multæ à longe spectantes, quæ sequutæ fuerat Iesum à Ga-
lilæa, ministrantes illi. Inter quas erant Maria Magdalene, & Maria Iacobi & Ioseph mater,
& mater filiorum Zebedæi. Item Marcus: Erant autem & mulieres à longe aspicientes, inter
quas erant Maria Magdalene, & Maria Iacobi minoris & Ioseph mater, & Salome: ibique post
modicum: Et aliæ multæ, quæ ascenderant cum eo in Hierusalem. Necnõ & Lucas: Erant au-
tem Maria Magdalene & Iohãna, & Maria Iacobi, & cæteræ cum eis. Hæc idcirco replicauimus,
ne calumnie & clamitet, ea quæ pro se faciant, à nobis esse subtracta: & sententiã suam
nõ testimonijs scripturarum, sed lubrica disputatione cõuulsam: Ecce, inquit, Iacobus & Ioseph
filij Mariæ, quos Iudæi fratres appellauerunt. Ecce Maria Iacobi minoris & Iosetis mater. Mi-
noris autem Iacobi, ad distinctionem maioris, qui erat filius Zebedæi, sicut & in alio loco Mar-
cus ponit. Maria autem Magdalene, & Maria Iacobi & Iosetis, uiderunt ubi poneretur, & tran-
sacto sabbato, emerunt aromata, & uenerunt ad monumentum. Et utique ait: Quam miserum
erit & impium de Maria hoc sentire, ut cum aliæ fœminæ curam sepulturæ Iesu habuerint,
matrem eius dicamus absentem: aut alteram esse Mariam, nescio quã, cõfingamus: præsertim
cum euangelium Ioãnis testetur præsentem eam illic fuisse, quando illam de cruce dominus iam
uiduam, ut matrem Ioanni cõmendabat. Aut nunquid euangelistæ & falluntur & fallunt, ut
eorum Mariam matrem dicerent, quos Iudæi fratres Iesu esse dixerunt? O furor cæcus, & in-
propriũ exitium mens uesana. Dicis ad crucem domini matrẽ eius fuisse præsentẽ: dicis Ioan-
ni discipulo ob uiduitatẽ & solitudinem cõmendatam, quasi iuxta te nõ haberet quatuor fi-
lios, & innumeras filias, quarum consortio frueretur. Viduam quoque nominas, quod scriptura
nõ loquitur. Et cum omnia euangelistarum exempla proponas, solius tibi Ioannis uerba non
placent. Dicis transitorie ad crucẽ domini eam fuisse præsentẽ, ne cõsulito præterisse uidearis:
& tamen quæ cū illa mulieres fuerint, files. Ignoscere nescienti, nisi uiderem cõsulito reticentẽ.
Audi itaque Ioãnes quid dicat: Stabant autem iuxta crucẽ domini mater eius, & soror matris eius
Maria Cleophæ, & Maria Magdalene. Nulli dubium est, duos fuisse apostolos Iacobi uoca-
bulo nuncupatos, Iacobum Zebedæi, & Iacobum Alphæi. Istum nescio quem minorem Iacobum,
quem Mariæ filium, nec tamen matris domini scriptura cõmemorat, apostolum uis esse, an
non? Si Apostolus est, Alphæi filius erit, & credidit in Iesum, & non erit de illis fratribus, de
quibus scriptum est: Neque enim tunc fratres eius credebant in eum. Si non est apostolus, sed
tertius nescio quis Iacobus, quomodo est frater domini putandus: & quomodo tertius ad di-
stinctionem maioris appellabitur minor, cum maior & minor non inter tres, sed inter duos
soleant